

"2003 жылға арналған республикалық бюджет туралы" Қазақстан Республикасының 2002 жылғы 12 желтоқсандағы Заңымен бекітілген 035 "Республикалық инвестициялық жобалардың техникалық-экономикалық негіздемелерін әзірлеу мен оларға сараптама жүргізу" республикалық бюджеттік бағдарламасын қаржыландыру ережесін бекіту туралы

Қазақстан Республикасы Үкіметінің 2003 жылғы 17 шілдедегі N 711 қаулысы

"Бюджет жүйесі туралы" Қазақстан Республикасының 1999 жылғы 1 сәуірдегі Заңының 24-1-бабының 6-тармағына сәйкес Қазақстан Республикасының Үкіметі қаулы етеді:

1. Қоса беріліп отырған "2003 жылға арналған республикалық бюджет туралы" Қазақстан Республикасының 2002 жылғы 12 желтоқсандағы Заңымен бекітілген 035 "Республикалық инвестициялық жобалардың техникалық-экономикалық негіздемелерін әзірлеу мен оларға сараптама жүргізу" республикалық бюджеттік бағдарламасын қаржыландыру ережесі бекітілсін.

2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

Қ а з а қ с т а н

Р е с п у б л и к а с ы

Ү к і м е т і н і ң

2 0 0 3

ж ы л ғ ы

1 7

ш і л д е д е г і

N

7 1 1

қ а у л ы с ы м е н

бекітілген

"2003 жылға арналған республикалық бюджет туралы" Қазақстан Республикасының 2002 жылғы 12 желтоқсандағы Заңымен бекітілген 035 "Республикалық инвестициялық жобалардың техникалық-экономикалық негіздемелерін әзірлеу мен оларға сараптама жүргізу республикалық бюджеттік бағдарламасын қаржыландыру ережесі

1-тарау. Жалпы ережелер

1. Осы Ереже "Бюджет жүйесі туралы" Қазақстан Республикасының 1999 жылғы 1 сәуірдегі Заңының 24-1-бабының 6-тармағы негізінде әзірленді және республикалық

инвестициялық жобалардың техникалық-экономикалық негіздемелерін әзірлеу мен оларға сараптама жүргізуге бағытталған республикалық бюджеттік бағдарламаны (бұдан әрі - бюджеттік бағдарлама) қаржыландыру тәртібін белгілейді.

2. Осы Ережеде мынадай ұғымдар пайдаланылады:

- 1) орталық уәкілетті орган - экономикалық жоспарлау жөніндегі уәкілетті орган;
- 2) атқарушы агенттік - республикалық инвестициялық жобаларды әзірлеуге және іске асыруға жауапты мемлекеттік орган, сондай-ақ жергілікті инвестициялық жобаларды әзірлеуге және іске асыруға жауапты жергілікті атқарушы орган;
- 3) техникалық-экономикалық негіздеме - инвестициялық жобаның жүзеге асырылуын жан-жақты зерттеу нәтижелері бойынша және инвестициялық жобаны экономикалық талдау негізінде әзірлеушілердің дайындаған есебі; техникалық-экономикалық негіздеме инвестициялық жобаның неғұрлым оңтайлы құрылымы бойынша ұсыныстарды, сондай-ақ инвестициялық жобаны іске асыру шеңберінде көзделетін неғұрлым орынды маркетингтік, техникалық, қаржылық, институционалдық, экологиялық, әлеуметтік және басқа да шешімдер бойынша ұсыныстарды қамтиды; орталық уәкілетті орган республикалық және жергілікті инвестициялық жобалардың техникалық-экономикалық негіздемелерінің құрамы мен мазмұнына қойылатын талаптарды бекітеді.

3. Бюджеттік бағдарлама шеңберінде Қазақстан Республикасының Үкіметі айқындайтын техникалық-экономикалық негіздемелер әзірлеуді және оларға сараптама жүргізуді қаржыландыру, сондай-ақ сыртқы үкіметтік заемдар қаражаты есебінен іске асыру жоспарланатын республикалық инвестициялық жобалардың техникалық-экономикалық негіздемелерін әзірлеуді және оларға сараптама жүргізуді бірге қаржыландыру көзделетін республикалық инвестициялық жобалардың тізбесі (бұдан әрі - тізбе) негізінде республикалық инвестициялық жобалардың техникалық-экономикалық негіздемелерін әзірлеу және оларға сараптама жүргізу қаржыландырылады.

2-тарау. Бюджеттік бағдарламаны қаржыландыру тәртібі

4. Орталық уәкілетті орган бюджеттік бағдарламада көзделген ақшаны атқарушы агенттіктер бойынша бөлу жөнінде республикалық бюджет комиссиясының қарауына ұсыныстар енгізеді.

5. Республикалық бюджет комиссиясының шешімі негізінде орталық уәкілетті орган Қазақстан Республикасы Үкіметінің бекітуіне жобалар бойынша қаржыландыру көлемі көрсетілген тізбені енгізеді.

6. Бюджеттік бағдарламаның әкімшісі Қазақстан Республикасы Үкіметінің қаулысымен бекітілген тізбеге сәйкес белгіленген тәртіппен міндеттемелер мен төлемдер бойынша қаржыландырудың жиынтық жоспарына өзгерістер енгізуге өтінім

қалыптастырады. Қазақстан Республикасының Қаржы министрлігі жоспарлы тағайындауларды көрсетілген бағдарламадан атқарушы агенттіктердің тиісті бюджеттік бағдарламаларына ауыстыру арқылы міндеттемелер мен төлемдер бойынша қаржыландырудың жиынтық жоспарына белгіленген тәртіппен өзгерістер енгізеді.

7. Атқарушы агенттіктер техникалық-экономикалық негіздемелер әзірлеу мен оларға сараптама жүргізуді қамтамасыз ету үшін қажетті іс-шараларды іске асыруды және тізбеге сәйкес тиісті республикалық бюджеттік бағдарламалар шеңберінде көрсетілген іс-шаралардың іске асырылуын қаржыландыруды жүзеге асырады.

8. Атқарушы агенттіктер Қазақстан Республикасының Қаржы министрлігі бекіткен нысан бойынша бюджеттік бағдарламаның іске асырылу барысы туралы есепті тоқсан сайын тоқсаннан кейінгі айдың 5-күніне дейінгі мерзімде және жыл сайын есепті жылдан кейінгі жылдың 1 ақпанына кейінгі мерзімде орталық уәкілетті органға ұсынуы тиіс.